

監本春秋公羊注疏僖公卷第十二

一起二十二年
盡三十三年

何休學

二十有二年春公伐邾婁取須朐

○朐其俱反
左氏作句○

○夏宋公衛侯許男滕子伐鄭○秋八月丁

未及邾婁人戰于升陘

○陘音刑

○冬十有一月己

巳朔宋公及楚人戰于泓宋師敗績偏戰者

日爾此其言朔何

據奚之戰不言朔

〔疏〕

注據奚之戰不言朔○解云即桓十

七年五月丙午及齊師戰于
奚春秋說以為五月朔日也

春秋辭繁而不殺者正

也

繁多也殺省也正得正道尤美
○不殺所戒反注同省所景反

何正爾宋公與

楚人期戰于泓之陽

泓水名水
北曰陽

楚人濟泓而來

濟渡

有司復曰請迨其未畢濟而繫之

迨及

宋公

曰不可吾聞之也君子不厄人吾雖喪國之

餘

我雖前幾爲楚所喪所以得其餘民以爲國喻編弱○喪國息浪反注同幾音祁

寡人不忍

行也既濟未畢陳有司復曰請迨其未畢陳

而擊之宋公曰不可吾聞之也君子不鼓不

成列

軍法以鼓戰以金止不鼓不戰不成列未成陳也君子不戰未成陳之師○畢陳直觀反下及注同

已

陳然後襄公鼓之宋師大敗故君子大其不

鼓不成列臨大事而不忘大禮有君而無臣

言朔亦所以起有君而無臣惜其有王德而無王佐也若襄公所行帝王之兵也有帝王之君宜有帝王之臣有帝王之

臣宜有帝王之民未能醇粹而守其禮所以敗也○王德于況反又如字下王佐同醇粹音純下雖遂反

以爲

雖文王之戰亦不過此也

有似文王伐崇陸戰當舉地舉水者大其不以

水厄人也

二十有三年春齊侯伐宋圍緡邑不言圍此

其言圍何疾重故也

疾痛也重故喻若重故剝矣襄公欲行霸守正履信屬為楚所

敗諸夏之君宜雜然助之反因其困而伐之痛與重故剝無異故言圍以惡其不仁也○緡亡巾反重故直用反又直龍反注同故創初良反下同屬音燭雜七合反父如字惡烏路反

○夏五月庚寅宋公

慈父卒何以不書葬盈乎諱也

盈滿也相接足之辭也襄公本以背

殯不書其父葬至襄公身書葬則嫌霸業不成所覆者薄故復使身不書葬明當以前諱除背殯以後諱加微封內娶不

去目略之者功覆之也○慈父左

疏

注襄公至皆殯○解云即九年春王三月

氏作茲父復扶又反去起呂反
丁丑宋公禦說卒傳云何以不書葬為襄公諱也彼注云襄公背殯出會宰周公有不子之惡後有征齊憂中國尊周室

之心功足以除惡故諱不書葬是也。○注以後諱加微封。○
解云謂以至功薄微故加而為之諱而封之其封字亦有下
句讀之非也。○注內娶至覆之也。○解云即下二十五年夏
宋殺其大夫傳云何以不名宋三世無大夫三世內娶也彼
注云三世謂慈父王臣處曰也內娶而責其去日者正以文
七年夏四月宋公王臣卒注云不日者內娶略文十六年冬
十一月宋人弑其君處曰彼注云不日者內娶略賤。○秋
之然則三世內娶二人皆略此獨書日者明是覆之。

楚人伐陳○冬十有一月杞子卒

卒者桓公存
王者後功尤

美故為表異卒錄之始見稱伯卒獨稱子者微弱為徐莒所
脅不能死位春秋伯子男一也辭無所貶貶稱子者春秋黜
杞不明故以其一等貶之明本非伯乃公也又因以見聖人
子孫有誅無絕故貶不失爵也不名不日不書葬者從小國
例也。○始疏注桓公存至錄之。○解云正所以傳聞之世
見賢徧反疏小國之卒未合書見故解之。○注始見稱伯
解云即莊二十七年冬杞伯來朝是也。○注為徐莒所脅。○
解云即十四年傳云曷為城杞滅也孰滅之蓋徐莒脅之是
也。○注貶稱至不明。○解云正以春秋之前周王舊有黜陟
之法隱元年儀父稱字上十七年春英氏稱氏之類今杞公

之爵雖爲伯仍恐春秋之前周王黜之非爲新周故曰不明
○注故以其一等貶之○解云謂伯之與子春秋合以爲一
而已杞君從伯至子乃是同事之內故云一等○注明本非
伯乃公也○解云正以一等貶之明是王者之後本非伯爾
莊二十七年杞伯來朝之時所以不稱侯正欲此處以一等
貶之故彼不稱侯也聖人子孫有誅無絕者若其有過但當
誅責不合絕去其爵是以雖微弱見貶仍但從伯至子不失
其爵矣○注不名不日至例也○解云謂所傳聞之世尤小
國如此若其曹許之屬仍自書名書葬即上四年許男新臣
卒秋葬許繆公彼注云得卒葬於所傳聞世者許大小次曹
故卒少在
曹後也

三十有四年春王正月○夏狄伐鄭○秋七

月○冬天王出居于鄭王者無外此其言出

何

据王子瑕奔
晉不言出

疏

王者無外○解云桓八年傳云女在
其國稱女此其稱王后何王者無外

其辭成矣是也○注据王至言出者
解云即襄三十年王子瑕奔晉是也

不能乎母也

不能
事母

罪莫大於不孝故絕之言出也下無廢上之義得絕之者明母得廢之臣下得從母命

疏

注明母至母命○解

云正以襄主之母於今仍在亦非繼母與左氏異也鄭氏發墨守云聖人制法必因其事非虛之孟子曰夫人○自侮而後人侮之家必自毀而後人毀之國必自伐而後人伐之今襄王實不能孝道稱惠后之心今其寵專於子失教而亂作出居于鄭自絕于周故孔子因其自絕而書之公羊以母得廢之則左氏已死矣是也襄王正是惠后所生非繼母又云失教而亂作自絕於周從左氏鄭氏雜用三家不苟從一

魯子曰是王也不能乎

母者其諸此之謂與

猶曰是王也無絕義不能事母而見絕外者其諸謂此灼然異

居不復供養者與主書者錄王者所居也○與音餘復扶又反供養九用反下餘亮反

疏

注灼然異至居也○

解云公羊以為此天王出居于鄭不事其母而自出居于鄭春秋惡其所為是以書出以絕之實非出奔故云灼然異居不復供養者與

晉侯夷五口卒

纂故不書葬明當絕也不日月者失衆身死子見纂逐故略之

猶薛伯定也

疏

注纂故不書明當絕也○解云正以惠公無立入之文於例去葬以絕之○注不日月至略之

解云大國之卒例書日月上十七年冬十有二月乙亥齊侯小白卒之類是也。○注猶薛伯定也。○解云即定十二年春薛伯定卒彼注云不日月者子無道當廢之而以爲後未至三年失衆見弑危社稷宗廟禍端在定故略之然則惠公之子亦是不肖而以爲後未期之問文公奪之是以不書日月

二十有五年春王正月丙午衛侯燬滅邢衛

侯燬何以名

据楚子滅蕭不名。燬況委反。

絕曷爲絕之

据俱滅人。

滅

同姓也

絕先祖之體尤重故名甚之也。日者爲魯襄內錄之。○爲魯子僞反下同。

疏

滅同姓也。○解

云曲禮下篇云滅同姓名是也。以此言之則知公羊何氏以爲齊人滅萊楚滅隗晉滅下陽之屬皆非同姓是以不名耳。○注日者至錄之。○解云凡滅例月即莊十年冬十月齊師滅譚之屬是而此書日也。

○夏四月癸

酉衛侯燬卒。○宋蕩伯姬來逆婦宋蕩伯姬

者何蕩氏之母也

蕩氏宋世大夫。

疏

宋蕩伯姬者何。○解云欲言婦人而來逆。

婦欲言大夫而言伯姬故執不知問。○注蕩氏宋世其言大夫。○解云正以稱蕩氏若崔氏尹氏之屬文同也。

來逆婦何者嫌內女為殺直來也○**疏**注連來者。○解云弟子本意據

莒慶逆叔姬難此逆婦之文宜云其言逆婦何而連來言之者正以伯姬是內女嫌經言來逆婦為殺直來之恥非實逆婦是以連來問之似若上五年杞伯姬來朝其子傳云其言來朝其子何彼注云連來者問為直來乎為下朝出之類其直來者即莊二十一年冬杞伯姬來傳云其言來何直來曰來彼注云直來無事而來也是也

兄弟辭也

其稱婦何有姑之辭也宋魯之間名結婚姻為兄弟稱婦者見姑之辭以逆實文

知不殺直來也主書者其稱婦何。○解云隱二年傳云無出道也。○見賢徧反○**疏**在塗稱婦今此非在塗而稱婦

故難之不注者從省文可知也。○注宋魯至兄弟。○解云蓋時猶然公羊子齊人而取宋魯間語者正以蕩伯姬來逆婦宋魯之事故取解之亦何傷。○注主書者無出道也。○解云言伯姬無逆婦之道是以書而譏之。○宋殺

其大夫何以不名據宋殺其大夫山名宋二世無大夫

三世內娶也

三世謂慈父王臣處曰也內娶大夫女也言無大夫者禮不臣妻之父母國內皆臣

無娶道故絕去大夫名正其義也外小惡正之者宋以內娶故公族以弱妃黨益疆威權下流政分三門卒生篡弑親親出奔疾其末故正
疏
注三世至白也○解云即上二十三其本○去起呂反
臣卒文十六年冬宋人弑其君處曰是也○注外小惡正之者所傳聞之世外小惡不書故也○注威權下流○解云謂君之威權下流于臣而臣下用之也
○秋楚人圍陳納頓子于頓何

以不言遂

據楚子鄭人侵陳遂侵宋

兩之也

微者不別遂但別兩耳別兩耳別之者惡

國家不重民命一出兵為兩事也納頓子書者前出奔當絕還入為盜國當誅書楚納之與之同罪也主書者從楚納之頓子出奔不書者小國例也不見挈
疏
注頓子至例也○者故君不可見挈於臣○惡鳥路反
例小國出入不兩書桓十五年夏許叔入于許注云不書出時者小國是例也○注不見挈者○解云故君不可見挈於臣者案桓十一年九月宋人執鄭祭仲突歸于鄭傳云突何以名挈乎祭仲也彼注云挈猶提挈也突當國本當言鄭突

欲明祭仲從宋人命提挈而納之故上繫於祭仲不繫國者
使與外納同也案莊九年夏公伐齊納糾傳曰何以不稱公
子彼注云据下言子糾知非當國本當去國見挈言公子糾
此若作挈文宜言楚人納某甲于頓去其國爵以見挈于楚
矣故君不可○葬衛文公不月者滅同姓疏主不月者
以見挈於臣故奪臣子恩也○冬十
解云卒日葬月大國之常案桓十二年冬十一月
丙戌衛侯晉卒十三年三月葬衛宣公之類是也

有一月癸亥公會衛子莒慶盟于洮莒無大夫書莒慶者

尊敬壻之義也洮內地公與未踰年君大夫疏注書莒至
盟不別得意雖在外猶不致也○別彼列反之義也○
解云即莊二十七年冬莒慶來逆叔姬傳云大夫越竟逆女
非禮也○注公與未至致也○解云案莊六年注云公與二
國以上出會盟得意致會不得意不致謂與諸侯會時然也
今此衛子莒慶皆是早者得意不得意亦可知故言不別得
意耳今洮是內地位不合致假令在外亦不致之何者正以
其與卑者會盟得意不假別之如定十二年冬公至自圍成
成是孟氏之邑而書致彼注云天子不親征下土諸侯不親
征叛邑公親圍成不能服不能以一國為家甚危若從佗國

來故危錄
之是也

二十有六年春王正月己未公會莒子衛甯

遯盟于向

○遯音速
向舒亮反

○齊人侵我西鄙公追齊

師至雋弗及其言至雋弗及何

據公追戎于濟西
不言所至又不言

弗及○雋戶圭

侈也

侈猶大也大公能却強齊之兵弗者
不之深者也言齊人畏公士卒精猛

反又似充反

引師而去之深遠不可得及故曰侈不直言大之者自爲追

唯臣子得褒之耳不得與追戎同也言師者侈大公所追也

國內兵不書而舉地者善公齊師去則止不遠勞百姓過復

取勝得用兵之節故錄詳之○侈昌爾反又昌者反大也卒

于忽反自爲于疏主不直言至錄詳之○解云案莊十八

僞反下深爲同年公追戎于濟西傳云此未有言伐者

其言追何大其爲中國追也此未有伐中國者則其言爲中

國追何大其未至而豫禦之也其言于濟西何大之也彼注

云大公除害恩及濟西也言大者當有公賞也然則彼爲諸

侯追於王法當有功賞故得云大此則自爲已追但臣子得

褒之故傳不言大以見義云言師者侈大公所追也者正
以上言齊人侵我西鄙下言公追齊師與上文異故也 ○

夏齊人伐我北鄙 ○ 衛人伐齊 ○ 公子遂如

楚乞師乞師者何卑辭也曷為以外內同若

辭 據春秋 **疏** 乞者至若辭 ○ 解云案成十六年夏晉侯
尊魯 使欒黶來乞師十七年秋晉侯使荀瑩來

乞師外亦 **重師也** 外內皆同卑其辭者
言乞師也 深為與人者重之 曷為重師 據泓

不重 **疏** 注據泓之戰不重師 ○ 解云上二十二年十有一
師 月己巳朔宋公及楚人戰于泓宋師敗績傳云宋

公與楚人期戰于泓之陽楚人濟泓而來直司復曰請迨其
未畢濟而擊之宋公曰不可吾聞之也君子不厄人吾雖喪

國之餘寡人不忍行也既濟未畢陳有司復曰請迨其未畢

陳而擊之宋公曰不可吾聞之也君子不鼓不成列已陳然

後襄公鼓之宋師大敗故君子大其不鼓不成列臨大事而
不忘大禮有君而無臣以為雖文王之戰亦不過此也然則

宋公守古敗師而春秋 **師出不正反戰不正勝也**
善之也是其不重之文

不正者不自謂出當復反戰當必勝兵凶器戰危事不得已而用之爾乃以假人故重而不暇別外內也稱師者正所乞名也乞師例時○當復扶疏言注戰必當勝○解云以義又反下同別外彼列反下同疏言注此句亦宜云戰不正勝者不正自謂戰當必勝但何氏省文不復備言○注乞師例時○解云正以據文承夏下文成十三年春晉侯使郤錡來乞師之屬○秋楚人滅隗以隗子歸不月者略夷

皆書時故也○秋楚人滅隗以隗子歸不月者略夷不言獲者舉滅為重書以歸者惡不死位不名者所傳聞世

見治始起責小國略但絕不誅之○隗五罪反二傳作夔惡不烏路反下同傳直專反疏注不月者略夷狄○解云正

見治賢遍反下直更反疏以莊十年冬十月齊師滅譚十三年夏六月齊人滅遂之類皆書月故也○注不名者至

不誅之○解云案上二十三年紀子卒之下注云又因以見聖人子孫有誅無絕故貶不失爵也以此言之似誅輕絕重

此注云但絕不誅自相違者凡誅有二種一是誅責之誅若齒路馬有誅於子與何誅之類一是誅絕之誅似武王誅紂

誅君之子不立之類然則上言有誅無絕聖人子孫但當誅責而已不合絕去此言但絕不誅者謂所傳聞之世責小國略今此不書其名但欲絕去一身不聽為君不合誅滅其國

哀七年八月己酉入邾婁以邾婁子益來傳云邾婁子益何以名絕之又莊十年以蔡侯獻舞歸傳曰蔡侯獻舞何以名絕之以此二文言絕之則似書名為絕之此注云不名者但絕而不誅又以不名為絕者蓋以絕亦有二種一是絕去其身一是絕滅其國蔡侯獻舞大國之君不能死難為楚所獲春秋之義不與夷狄得志于諸夏是以不得書獲故名蔡侯起其當合絕滅矣邾婁正當所見之世為魯所獲春秋之義內獲人皆諱不書故名邾婁子以起不死難當絕滅矣今此隗子既是微國復當傳聞之世若其書名恐如二君亦合絕滅故不名見責之略也但合一身絕去而已○冬

楚人伐宋圍緡邑不言圍此其言圍何刺道

用師也

時以師與魯未至又道用之於是惡其視百姓之命若草木不仁之甚也稱人者楚未有大夫未聞

稱師楚自道用

疏

邑不至用師也○解云案隱五年宋人伐鄭圍長葛之下傳云邑不言圍此其

之故從楚文

言圍何彼已注云據伐於餘丘不言圍然則彼已有注故此

不復解耳

○注稱人至從楚文○解云以文九年冬楚子使

椒來聘彼傳云椒者何楚大夫也楚無大夫此何以書始有

大夫也始有大夫則何以不氏許夷狄者不一而足也然則

文九年始有大夫則知今時未有然上四年夏楚屈完來盟于師下二十八年夏楚殺其大夫得臣在椒來聘之前而有大夫者屈完之下傳云屈完者何楚大夫也何以不稱使尊屈完也曷為尊屈完以當桓公也注云增倍使若得其君以醇霸德成王事也然則欲尊屈完使當桓公以醇霸德非常事子玉之下注云楚無大夫言其大夫者欲起上楚人本當言子玉得臣所以詳錄霸事○注楚自道至楚文○解云欲道下文公以楚師得稱楚師而此不得者以楚自道用之故從楚文也

○公以楚師伐齊取穀

言以者行公意別魯兵也稱師者順上文

疏

注言以者行公意○解云桓十四年冬宋人以齊人衛人蔡人陳人伐鄭傳云以者何行其意也彼注云以已從人曰行言四國行宋意也

公至自伐齊此已取穀矣何以致伐

据伐邾婁未得乎取穀也未可謂得意於取穀曷為未得乎

取穀据俱取邑曰患之起必自此始也魯內虛而外乞師以犯強齊會

齊侯昭卒晉文行霸幸而得免孔子曰人之生也直罔之生也幸而免故雖得意猶致伐也

疏

注魯內虛而外

乞師○解云言內虛者謂自無師○會齊侯昭卒○解云即下二十七年齊侯昭卒是也○注晉文行霸○解云即二十八年侵曹伐衛敗楚師于城濮盟于踐土是也○注故雖至伐也○解云莊六年注云公與一國及獨出用兵得意不致不得意致伐然則此文公以楚師伐齊取穀是得意宜合不致今致伐作不得意之文以解之

二十七年春杞子來朝

貶稱子者起其無禮不備故魯入之

疏

注貶稱子

至入之○解云杞本公爵但春秋欲新周故宋而黜之稱伯即莊二十七年冬杞伯來朝是也至二十三年經書杞子卒者但以微弱為徐莒所脅不能死位故以其一等貶之見聖人子孫有誅無絕而已至於此經復稱子者起其無禮故左氏皆有魯人之文也○夏六月庚寅齊侯昭卒○秋八月

乙未葬齊孝公○乙巳公子遂帥師入杞

日者杞屬

脩禮朝魯雖無禮君子躬自厚而薄責於人不當乃入之故錄責之○屬音燭○冬楚人陳侯

蔡侯鄭伯許男圍宋此楚子也其稱人何

據序